



علی آقا واحیدین سچیلیمیش شعرلری

اولو تانرینین آدیلا

عزیز و مؤرمتلی اؤفویانلار چؤف چؤف تشکر ائدیرم کی اؤز دیلینیز اوچون و اؤز شاعیروز
اوچون بو کیتابی اؤفویورسوز.

بو کیتابدا آذربایجانین بؤیوک شاعیری علی آقا وامید دن بیر نئچه شعر سئچیپ و
سیز اوچون ماضیرله میشم. آرزیم وار بو کیتابدان فؤشوز گلیمیش اولسون

یارادان : میثم جوادى

turkpoem.blogfa.com



اثل دوشدى بوتون حيرته ، ديوانه ليگيمده ن
 سرين دئمه ديم بير كسه مردانه ليگيمده ن

خاكستر عشقم ، منه تحقيرايله باخما
 مين گنج چيخار ظاهره ويرانه ليگيمده ن

مجنون كيمي من ، بارگه عشقى بيه نديم
 گئچديم بو تمنا ايله ، شاهانه ليگيمده ن

مخمور گؤزون فكري ايله ، باده چوخ ايچديم
 بير كيمسه ضرر گؤرمدي ديوانه ليگيمده ن

هر ماه روخون ، شمع كيمي عشقينه يانديم
 بير لحظه خبر توتماي پروانه ليگيمده ن

ديوانه ي عشق اولماقا هر كيم هوس ائتسه
 اول جه گره ك درس آلا رندانه ليگيمده ن

واحد من اول خاكم يئنه ميخانه ده بير گون
 بير ذوق يئتر عالمه پيمانه ليگيمده ن

زولفونده نه لازم گۆزه ليم شانه دولانسين
قۇيما اول حرمخانيه بيگانه دولانسين

عيب ائيلمه كويونده دولانسام گئجه گوندوز
شمعين گره ك اطرافينه پروانه دولانسين

ساقى دولانيم باشينا مى جاميني گزدير
سرمست اولوم باشيما ميخانه دولانسين

اول زولفه كؤنول وئرمه، دبير لر منه ال چك
اونسوز نئجه بس بو دل ديوانه دولانسين

مجنون نه برابر منه صحرالره قاچدى
عشق اهلى اودير عرصه ده مردانه دولانسين

اغيار ايله اؤز ياريني همدم گؤره ن عاشق
دوشسون اول گرک دشت و بيابانه دولانسين

سرخوشلوق ايله عؤمريني صرف ائيلمه واحد
عارف اونا دئيرلر كي حكيمانه دولانسين

آخر آغلاتدین منی بیگانه لر گولسون منه
شمع تک یاخدین منی پروانه لر گولسون منه

منده یالوارام گۆزون یاديله پیر میکده
ائیله مست اتتسین منی مستانه لر گولسون منه

پرتو خورشید رویین جام می ایچره گۆروب
آغلارام قوی دۆزیده پیمانه لر گولسون منه

قۇرخورام سر دهانین می ایچیب فاش ائیله یم
مست اوّلام کیم عارف میخانه لر گولسون منه

باغلا اوّل زنجیر زولفونله من سرگشته نی
قویما کیم صحرانشین دیوانه لر گولسون منه

لیلی وش زولفوندن آیری ایسته رم مجنون اوّلام
قوی اثشیتسین بو سۆزی فرزانه لر گولسون منه

بیخا بیلمز دیر فلک اوّلسایدی بیخدی هجر یار
واحدم قوی ساکن ویرانه لر گولسون منه

دون گئجه آچدی نیگاریم اوزونی آی کیمی
 گۆردوم اوّل ماهین اگیلمیش قاشینی یای کیمی

صورتی تیر نگاهین ائله تصویر ائله دیم
 کی گلیر سینه مه شصت ایله تیراموای کیمی

عشق بازارینین عالمده منم حمّالی
 آلمیشام چیگنیمه غم یوکلرینی تای کیمی

سالدی گۆزدن منی اوّل سرو روانیم گئتدی
 گۆزومون یاشی فراقیندا آخیر چای کیمی

گۆردوم هم صحبت اوّلوب غیرایله شیرین - شیرین
 بو حسد قیلدی اثر کؤنلومه ازوای کیمی

واحدی قالدین هامیدان گئری چوخ عاجزسن
 جد و جهد ائيله که لاپ اویمو یاسان زای کیمی

اۆلسایدی میسر گۆزه لیم یارین اۆلاردیم
هر لحظه غمین چکمگه غمخوارین اۆلاردیم

هر شب دۆلانیب صبحه کیمی شمع جمالین
پروانه کیمی طالب دیدارین اۆلاردیم

ممکن کی ده گیل بیرده گزیم گولشن کویین
ممکن گر اۆلایدی یئنه زوآرین اۆلاردیم

ای طوطی وشیم آئنه حسنونی گۆرچک
آلوده اول لعل شکر وارین اۆلاردیم

مجنون کیمی دایم سر کویونده گزردیم
عؤمروم نقدر وارسا پرستارین اۆلاردیم

یوسف کیمی وئرسه یديله دیدارینا قیمت
جان نقدی ایله من کی خریدارین اۆلاردیم

واحد سر کویونده گزردیم گئجه - گوندوز
ای مه بو ادا ایله دل افکارین اۆلاردیم

يانيندا دلبري مین اعتباریم اولماسادا
يئنه غمین چکرم غمگساریم اولماسادا

بدنده یاری جانیم قالمايیب گئديب یاریم
گره ک دۆزه م غم هجرانه یاریم اولماسادا

اوزون خیالی بسیمدیر بهشت کویینده
یوز ایل خیالیم گلمه ز بهاریم اولماسادا

لبینله مست گۆزون هر دوشنده خاطریمه
شرابه رغبتیم آرتیر خماریم اولماسادا

منیم بیر آهیم ایله شمعلر یانیر گئجه لر
توخونما شعله ی عشقم شراریم اولماسادا

کمند زولف ایله واحد اؤزوم شکار اولدوم
منیم اول آهو باخیشلی شکاریم اولماسادا

ای گول سنی آخر بیلیرم ئویره دن اولدو
سالدین منی هجرانه بو بیلمه م ندن اولدو

دؤزدوم نقدر زحمته هر نازینی چکدیم
کؤنلوم غم عشقینه اسیر محن اولدو

سن بئيله وفا سیزدا ده گیلدین بیلیرم من
ظنیمجه سنی بو ایشه تحریک ائدن اولدو

رسوای جهان ائیلدین آخر منی گئتدین
ایندی منه بیگانه گلیب طعنه زن اولدو

بیر وقت پشیمان اولاجاقسان بو عمل دن
سندن بو ایشین بلکه حسابین چکه ن اولدو

گزدیم گؤزه لیم غیريله من دردینی چکدیم
گلدی نه بلا باشیمه بو غصه دن اولدو

واحد اول کؤنول وصلینه بیگانه یئتیشدی
دردیم چکه ن عالمده بیر آنجاق حسن اولدو

بونە مى دىركى ايچىركن مى بيهوش ائىدى؟
خاطرېمدىن غم و اندوهى فراموش ائىدى

تاپمادىم چاره يانان كۇنلومە مى دن غىرى
منى عشقېن نقتدر درد و غمە توش ائىدى

گر چاتىدى ال ، اياقېندان ئوپردىم ساقى
خم مى تىك مى ايچىركن بدنىم جوش ائىدى

جنت اهلى اول آدم دىركى دۇنوب واعظە دن
پىر مېخانه نصيحت لرىنى گوش ائىدى

مى اگر ، لعل لب ، دلبرە آسودە دە گىل
بس اياغېنە سوراخى نبىيە كورنوش ائىدى؟

عشق بىر شعلە چكىب ياندى وجودىم يىكسر
گۇركى بىر آه بو شمعى نىجە خاموش ائىدى

تۇكدى واحد يىنە يارىم اوزونە تىللرىنى
جمع كىن، خاطر محزونىمى مغشوش ائىدى

بیر زمان منده اسیر ره میخانه ایدیم

هوس باده ایله عاشق پیمانه ایدیم

بیر دقیقه یئر دوشمزدی الیمن باده

گوژلرین شوقی ایله ائيله کی مستانه ایدیم

بوتون عؤمروم گئچیب عالمده شراب ایچمه گيله

باده دن خالی اولان یئرلره بیگانه ایدیم

ایندی تکلیف شراب ائيله مک آرتیقدی منه

منکه میخانه ده بیر خانه سی ویرانه ایدیم

شمعه پروانه یانیردی گئجه لر صبحه کیمی

منده اؤز سؤگیلی مین شمعینه پروانه ایدیم

چالیشیردیم ساجینین فکری باشیمدان چیخسون

گوژمه سیدیم سنی بیر گون دلی دیوانه ایدیم

منی واحد بو پری چهره لر ائتمیشدی اسیر

منده مجنون کیمی دیل لرده بیر افسانه ایدیم

تا کی یئتدی لب لعلینه نگارین می ناب
 رشگدن باغرینی قان ائیلہ دی جام ایچره شراب

بادہ دن عارض عالیدن عرق ائتدی ظہور
 دامدی گول گول گؤل روئیندن اونون عطر و گولاب

تار گیسولرینی قیلدی پریشان اوزونہ
 آتدی ال شانہ یہ مین عشوہ ایلہ چون مضراب

پرتوی مہر جمالیلہ ایشیقلاندی جہان
 ائیلہ کی آچدی جمالیندان اول مہپارہ نقاب

دوردی آیینہ ایلہ آیہ مقابل اول مہ
 ماہ مہ ائتدی حسد قالمادی آیینہ دہ تاب

شووق لعلی اول مہین قیلدی منی بادہ پرست
 یوخسا ہرگز بو قدر اولمازایدیم خانہ خراب

واحدم گوشہ وحدتدی مقامیم دایم
 اورہ گیم غملی گوزوم نملی علاجیم نایاب

تمنا ائت گولوم وئررم یولوندا نقد، جانیم وار
اگر بولبول ده گیلسم، اوندان آرتیق مین فغانیم وار

قارا گوژلر سنی آکداتماسین، بیمارم عشقینده
علاجیم سنده دیر ای گول سنه آنجاق گومانیم وار

قبول ائتسن یولوندا جانمی یوز یول فدا قیللام
اسیر عشقینم سنسیر بو عالمده خزانیم وار

امانت ساخلا قلبینده همیشه عشقیمین سرین
حقیقی عاشقم هجرینده چشم خونفشانیم وار

آکوب تنز جانیمی بیر دفعه لیک قورتار اذیتدن
باخیلسا کونلومه، عشقینده مین درد نهانیم وار

سنی هر شئیدن آرتیق سئومیشم عالمده ای ظالم
قضا ایسترسه گلسمین راه عشقینده توانیم وار

منی هر بی وفایه، واحدم، دوتما برابر کیم
منیم ده عشق ملکینده، عزیزیم آد و سانیم وار

خبرين يوخ گۆزه ليم كۆنلوم ائديب قان زولفون
ائيلمه گول اوزونه بيرده پريشان زولفون

يئتمه سين كامه وصاليندن ائدن عاشقيني
راضيام كۆنلوم ائوين ائيله سه ويران زولفون

ال ووراندا سن اونا نازايله كۆنلوم اوزولور
نازينيم داها ترپتمه صبادان زولفون

دائما مست گۆزون فيتنه لر اورگتميش اونا
او سببدندير ائديب عالمي حيران زولفون

سنة بير دفعه باخان عاشقى مين درده ساليير
عادت ائتميش بو جفا ائتمكى چوخذان زولفون

ايسته ديم بيرده تماشا ائله يم گول اوزونه
گۆرنه ظالم دى منه وئرمه دى امكان زولفون

علمي واحد كيمي هر گون دلي ديوانه اولار
گورسه گر بير كره هر عاشق نالان زولفون

دئدیم ای غنچه دهن کؤنلومی قان ایله میسن
دئدی بیجا یئرہ عشقیمده فغان ایله میسن

دئدیم انصاف ائيله اینجیتمه منی عاشقینم
دئدی گئت، سریمی عیان ایله میسن

دئدیم آغلاتما منی سرو بویون شوقینده
دئدی گؤز یاشینی بیهوده روان ایله مسین

دئدیم آخر گؤزلیم باغ و بهاریم سنسن
دئدی سن عمرینی حسرتله خزان ایله میسن

دئدیم آر چکمه میشم گؤزلرینین حسرتینی
دئدی اوژ کؤنلونی یئر سیز نگران ایله میسن

دئدیم عشقینده اسیرم منه بس خیری نه دیر
دئدی اولده بو سوداده زیان ایله میسن

دئدیم عشق آتشی نیلر منه قورخان ده گیلیم
دئدی بیچاره یانارسان نه گومان ایله میسن

دئدیم ای گول من ازلدن ده گؤزل عاشقیم
دئدی سن روحینی عشق ایله جوان ایله میسن

دئدیم هر گون سر کویینده دؤلنماقدیر ایشیم
دئدی واحد نه گؤزل یئر ده مکان ایله میسن

دئمه مجنونه دلی بلکه ده لیلا دلی دیر
عشق اولان یئرده بوتون عاقل و دانا دلی دیر

سالدی یوسف کیمی اؤز سئوگیلی سین زنجیره
قویدی رسوالیقی عالمده ، زلیخا دلی دیر

عشق زنجیرینین افتاده سی بیر من ده گیلیم
هوس سلسله عشقله دونیا دلی دیر

ساریلیر چیگنینه ، گاه بوینونا ، گاه قامتینه
اژدهالار کیمی اول زلف چلیپا ، دلی دیر

بیر وفاسیز گول ایچون ناله سی دونیانی دوتوب
واده عشقده وامیق دلی ، عذرا دلی دیر

ال گؤتورمه ز بو قارا گؤزلولرین زولفوندن
هر اؤتن ، ظن ائيله بیر واحدی گویا دلی دیر

دل وئرمە سیدیڭم اول صنم مە لقایە من
 آسودە یئردە دوشمە ز ایدیڭم مین بلایە من

هر شب ستاره تک تۆکرم اشک دیدە دن
 تا صبح اولونجا بیلدیره رم حالیم آیە من

شاید اوپم اول ماه رخین خاک پایینی
 دوشدوم ایاقلار آلتینا مانند سایه من

دوشدوم کمند زولفونه بیر آهو گۆز لنینون
 سالدیڭم بلالی باشیمی یوزمین بلایە من

سنسیر گۆزوم قارالسین اگر قاشلارین گۆروب
 باخسام فلکده گردش ائدن تازه آیە من

بیچاره کۆنلومی گری آلسام هئچ اولمرم
 زولفون گۆرنده وئرمیشم اول دلربایە من

مه پاره لردن آه نه لر چکمه میش کۆنول
 واحد اینانمیرام داخی هر بی وفایە من

دلبرا آتش عشقین ایلہ سوزانم من
یانیرام رحم ائیلہ قویما بو اودا یانم من

باغلا یوبسان منی زنجیر سر زولفون ایلہ
اؤل سببدن بئلہ دیوانہ دورانم من

رحمه گل تۆکمه ناحاق قانیمی اؤز عاشقینم
گئجه گوندوز سر کویینده نگهبانم من

بیرده گر کویینه جنت دئسم عاشق ده گيلم
ای جفا پیشه بو بیر سهوه پشیمانم من

بیر نگاهیلہ گؤزون عالمه مین فتنه سالیب
بو نئجه فتنه و جادودی کی حیرانم من

ای گولی غنچه ، جفا و ستمیندن دائم
بولبول آسا چمن عشقده گریانم من

واحد ، امید وصالیلہ خوشام جانانین
تا اؤل گونده ن که اسیر غم هجرانم من

سنى گۆردوكدە دۇدېم خسرو خوباندىر بو
 بو وجاهتله حقيقت مهى كنعاندىر بو

دل غمگينىمى شاد ائتدين آتيب غمزه ن اوخون
 سنه قوربان اولوم اى شوخ نه احساندىر بو

منه پيوسته نه اوخ آتسا اول ابروى كمان
 دل باسار باغرينا گلديكجه ديير جاندىر بو

اى ديه ن ائيلمه هجران گونى فرياد و فغان
 نئجه فرياد و فغان ائتمه يم هجراندىر بو

چونكى چوخ گۆرموشم اغياره وفا ائيله ديگين
 بيوفا سؤيله سه هر كيم سنه بهتاندىر بو

خلق سؤيلر منى واحد گۆروب اول زولفه اسير
 فى الحقيقت هله ديوانه دۇراندىر بو

سنين گۆزه لليگينين مبتلاسييم گۆزه ليم
اوقاره گۆزلرينين جان فداسى يم گۆزه ليم

منيم بو ناله مين هر بير كۆنولده وار اثرى
شكسته نى كيمى روحين غذاسى يم گۆزه ليم

كمند زولفونه من تك اسير اولان چوٰخدیر
هاميدان عاجز و بخت قاراسى يم گۆزه ليم

بالى عاشقينم باخما غير سۆزلرينه
محبت عالمينين بينواسى يم گۆزه ليم

ائله نه ظلم واريندير اگر ديليم يانسین
دئسم جفالارينين نارضاسى يم گۆزه ليم

يولوندا منتظرم جان وئرم گۆرنده اوزون
جفا چكنلرين اهل وفاسى يم گۆزه ليم

اگرچه واحدم اغياره باش اگن ده گيلم
فقط سنين سر كويين گداسى يم گۆزه ليم

سن زولغینی آچ تۆک اوزونه، شانه سی مندن
زنجیری نشان وئر منه، دیوانه سی مندن

سن عاشقی یانديرماقا، من یانماقا ماييل
سن شمعینی گوستر منه، پروانه سی مندن

زولفون قدری، عاشق اولان وار سنه ای گول
سن سؤیله اول مجنونلاری، افسانه سی مندن

سرمست گوزون، فتنه لبین، نشئه لی باده
ایچدير منه اول باده نی، پیمانه سی مندن

سن نازیله گول کی، صدفین قیمتی آرتسین
گوزیاشی کیمی، اینجیسی دردانه سی مندن

هردم گوٲور اوزدن گوٲزه لیم، افعی زولفون
چک ظاهره گنجینه نی، ویرانه سی مندن

واحد مئی ترک ائتمک اوچون پیر مغانین
رنجیده اولوب، بیر نچه مستانه سی مندن

قوئما ای مه اوزونی زولف پریشان توتسون
یئنه بو حسن ایله عالم سنه نقصان توتسون

اعتراض ائیلمه روخسارینه خط گلمگ اوچون
که گره ک مور و ملخ ملک سلیمان توتسون

تؤکدی مستانه گؤزون قانیمی بیر نازيله
گوروم ای شوخ خطا دیده سنی قان توتسون

نه آتارسان دل سوزانیمه طعن اوخلارینی
بونجا پیکانی گره کمه ز می مگر جان توتسون

دوشدوگوم چون ره صحرالره عیب ائیلمه یون
اصلی دیوانه گره ک سمت بیابان توتسون

واحدم ناله و فریادیمه رحم ائيله گولوم
قورخورام که سنی بو ناله و افغان توتسون

كۆنول بو ناز ائليه ن مه لقا لرین نیی وار؟
جفادن اؤزگه بو زولف قرا لرین نیی وار؟

بیر آزا غم داغیدان، بونلارین گۆزل لیگیدور
بو دا گر اولماسا بو بی وفالرین نیی وار؟

یئنه تسلی وئره ن عاشقه گۆزللر دیر
کی یوخسا غصه چکه ن مبتالارین نیی وار؟

شکسته نی کیمی یم باشقا همدیم یوخدور
هوای عشقه دوشن بی نوالرین نیی وار؟

امید مهر و وفا اومما آشنا لردن
اؤزونده فکر ائله گور آشالرین نیی وار؟

صدای موسیقی ائتسین گره ک کۆنوللری جذب
اوره ک سیخان یوئی خارج صدالرین نیی وار؟

اوزونده دلبریمین طره لر تعجبی یم
خزینه اوسته بو کج اژدهالرین نیی وار؟

رقیبی قویمایئنه کوی یاره یول تاپسین
بهشت ایچینده بو خائن گدالرین نیی وار؟

عمومه خدمت ائله قورخما واحد آرتارسان
اؤزی اؤزی بیه نه ن خودنمالرین نیی وار؟

گۆز لیم گول یاناغون قیرمیزی دیر مخمل دن
دوڭاقون لعل دن آرتیقدی سیننه ن مرمردن

گولده وارسا نه گۆز للیک گۆز لیم سنده ده وار
ده گۆره ک بیر نبین اسکیکدی گول احمردن

دهنین غنچه بئلین اینجه اوزون گول کیمی تر
ساجلارین سونبولی آواره سالوب چؤللردن

اهل عشقه بو قدر ناز ائلمه ک یاخشی ده گیل
بسدیر انصاف ائله ال چک بو یامان شاکردن

نئجه اغیاره باخیر سان گۆزه لیم قان اولماز
گۆز اوجیله بیزه ده بیر نظر ائتسن هردن

عشق زنجیرینه یوز دفعه گرفتار اولسون
منه هر کیم دئسه ال چک بو قارا گۆزلردن

بو پری چهره لر عشقینده گۆزل دیر واحد
غزلی سن دییه سن من اوخویام از بردن

گۆزه لیم توتما برابر منی پروانه ایله
 اوّل اگر شمعہ یانیر من رخ جانانه ایله

قۇرخورام ائل دوشوب آردینجا اوّلا حیرانین
 احتیاط ائيله داغیت زولفون اوزه شانه ایله

بوندان آرتیق غم هجرانینا تاییم یوخدور
 اوّله ره م بیرده گۆره م گر سنی بیگانه ایله

بو قدر گۆز گۆزه زولفونده اسیر اولمازایدیم
 ممکن اولسایدی باجارماق دل دیوانه ایله

من دورار کن یئنه ائل صحبت مجنون ائله ییر
 نه زماندیر گئچیریر عؤمرونی افسانه ایله

توبه جامین نّجه سیندیرملیم انصافیم وار
 دلبریم ساقی اولوب مئی وئره پیمانه ایله

من اگر باده نی ترک ائیلمه سیدیم واحد
 چؤرویوب محو اوّلا جاقدیم ره میخانه ایله

گۆزه لیم گۆزترین عشق اهلینی گریان ایستر
 گونده یوزمن کیمی بیچاره نی قربان ایستر

نه اولار چوخدا گۆزه ل سن اوزون انصاف ائيله
 هانسی گول عاشقینی سن کیمی نالان ایستر

منده باخسام اول لب لعلینه قان اولماز کی
 بولبولون عادتیدیر غنچه خندان ایستر

بیلمه میشلر دهنین سرین هله ایندیه جن
 کشف قیلماق بو معمانی چوخ امکان ایستر

اول قارا زولفونون آز چکمه میشم حسرتینی
 مبتلا کؤنلومی هر لحظه پریشان ایستر

واحدی جاذبه عشقین ائدیب مجنون تک
 یوخسا دیوانه لیگی هانسی بیر انسان ایستر

گلدیم وصال یاره یئتم فرصت اولمادی
بیردم دویونجه صحبت ائدم قسمت اولمادی

جوړون چکیب همیشه بو زولفی قارالارین
دیوانه کؤنلومه یئنه بیر عبرت اولمادی

جنت دی مجلسیم ائله کی گلدی دون رقیب
مجلس جهنم اولدو منه ، جنت اولمادی

آز اولسا باده نین چون اولور روحه لذتی
حددیندن آرتیق اولسا بو بیر لذت اولمادی

سرویم دیننده سانما قیامتدی قامه تین
محشر کی قوڤمادی سنه بیر تهمت اولمادی

فرهادی فضل صنعتی سئودیردی شیرینه
شیرینی عشقه جذب ائلییه ن سرعت اولمادی

عشقینده اولمک حسرتی اولدوردی واحدی
چوخ یاخشی اولدو ایسته گینه حسرت اولمادی

خاک پایینه اول ماهین دؤن سحر دن دوشموشم
 ذره رحم ائتمه ز منه، گویا نظر دن دوشموشم

اولموشام مجنونی، اول گوندی کی اول لیلی وشین
 ائيله رسوایم که خلق ایچره ده یه ر دن دوشموشم

اول هلال ابرویه دیل آچسام دا باخماز ناله مه
 ساناسان بیر پاسلی شمشیرم، کسردن دوشموشم

منده ن اول سرویم اول گوندن کیم کسیدیر الفتین
 ائيله بیل کی بیر نهالم، من ثمر دن دوشموشم

رحم قیل جور ائتمه، آهیمن یانارسان عاقبت
 سانما بیر سؤنمیش چراغم، من ائردن دوشموشم

اولما همدم غیر یله، غیرت هلاک ائیلر منی
 چوخدا پیرم ای گؤزه ل سانما هنر دن دوشموشم

واحد، آذر خوش دئمیش او د دور وجودی عاشقین
 آذر عشقم، گمان ائتمه شردن ، دوشموشم

من عالمه منت چكىرم يار هوسينده

ياريمسا گزير شوقيله اغيار هوسينده

بيلمه م بو نئجه سردير حكمتدير ازه لدن

بولبول گوله ماييل، گول اولور خار هوسينده

مئى اوخشاماسا لب لرينه قيرميزى ليقددا

بير كيمسه تاپيلماز مئى گولنار هوسينده

هر گون اوْزونى گورمه گه حسرت چكىر عالم

گول فصلى اولار، ائل هامى گولزار هوسينده

بيلمه م نه گوروب زولفده مجنون كيمى كؤنلوم

سرگشته دير اول طره ي طرار هوسينده

عاشق سئوير اول شوخى، تعجب لى بو دير كى

يوزلرجه گؤزل لرده اونون وار هوسينده

واحد يئنه قيمت چوخايب يوسف شعره

گوهر ساتيلار اولسا خريدار هوسينده

سنسيز يٿريم بهشت اولاً، غم خانه دير منه

کيم آشنا ده گيل سنه، بيگانه دير منه

هر کس که پای بند سر زولفون اولماسا

يوز عاقلم دئسه، يٿنه ديوانه دير منه

شوٴق رخينله شمع کيمي يانديم هر گٽجه

همدم سرشک چشميله پروانه دير منه

آب حياتي بير بٴله زاهد که وصف ائدير

لعل و لبين يانيندا بير افسانه دير منه

زولفونله اولسا، ائيله مز آشفته کوئلومی

دوشمان، اول زولف ايچينده گزه ن شانه دير منه

عشق عالمينده بونجا بلالر کی چکميشم

مقصد، طواف عارض جانانه دير منه

واحد جهاندا باقي قالان عشق ملکی دير

اوئدان قالان نه وارسادا ويرانه دير منه

بیر گول عشقینده کۆنول قان اولاجاقمیش نه بیلیم
بولبول آسا ایشیم افغان اولاجاقمیش نه بیلیم

وصلینی سئومه زیدیم هجر غمین بیلسه یدیم
قسمتیم آخیری هجران اولاجاقمیش نه بیلیم

بو قدر عشق اودونا یانمازیدیم عالمده
جگریم هجريله سوزان اولاجاقمیش نه بیلیم

خانه ی کۆنلومی ییخدین بو ستم داشی ایله
ملک دل بیر بئله ویران اولاجاقمیش نه بیلیم

یار نظر اتمیشیدی بوسه وئریب جانیم آلا
اول جفا پیشه پشیمان اولاجاقمیش نه بیلیم

کۆنلومی خالینه بند ائتدی زنخدان ایچره
یوسفیم بسته زندان اولاجاقمیش نه بیلیم

واحد اول ماه رخون زولفونه دل وئرمه زیدیم
خاطریم بیله پریشان اولاجاقمیش نه بیلیم

ياندیم اول شمع حسنونه پروانه لر کیمی
اولدوم اسیر زولفونه دیوانه لر کیمی

کۆنلومده ساخلارام لب لعلین خیالینی
میخانه لرده مئی دوئی پیمانیه لر کیمی

قاشینلا هم پیاله دی گویا کی گۆزلرین
چکمیشله تیغ قتلیمه مستانه لر کیمی

ویردین بو شیشه کۆنلومه سنگ ملامتی
ائتدین شکست یئرده سینیق شانه لر کیمی

اولما رقییه یار، روا گۆرمه عاشقین
باخسین کناریدن سنه بیگانه لر کیمی

بیخدین بو کۆنلومون ائوینی بیر نگاه ایله
ائتدین خراب خانه ویرانه لر کیمی

واحد دئییر له تازه یئنه مئی پرست اولوب
خلقه نشان وئریم اؤزوم آیا نه لر کیمی

سنىلە من گۆزە لىم آشنالىق ئىلە مىشم
سنى وفالى بىلىب جان فدالىق ئىلە مىشم

رقيبە ھەمدەم اولوب سالموسان منى گۆزدن
ھاچانكى گون سنە من بى وفالىق ئىلە مىشم؟

سنىلە يار اولانى، بىر زمان اوزوم گولمە ز
كى بىلمىرم سنە نە بى ادالىق ئىلە مىشم

جفا نى ترك ائلە مە پارە لر جفا ائلە مە ز
نە مدت ايدى قاپوندا گدالىق ئىلە مىشم

گونوم قارالدى سر زولفونون خيالىندان
تعجم كى نە اوزى قرالىق ئىلە مىشم

كسىب امىدىمى واحد من اوز نگارىمدان
صفالى عىشى مى، آخر فنالىق ئىلە مىشم

بی سبب یوځ دئمه رسوای جهان اولماغیما
غنچه آغزین کیمی خلق ایچره نهان اولماغیما

منی صد حیف قوجالتدی بو گۆزه للر ستمی
یوخدیر امید داخی بیرده جوان اولماغیما

قامه تین جلوه سی چشمیمده گزیر وجهی اودیر
چشمه تک هر یانا ای سرو ، روان اولماغیما

موم یانین هوسی ، غنچه دهانین فکری
سبب اولدو بئله بی نام و نشان اولماغیما

انتظارم کی وئره م جانیمی، گۆرک اوزونی
نؤلا ای گول بیر علاج انت نگران اولماغیما

یانیرام عشق اودینا ثابت اینان مجنون تک
لیلی اولسا یاناجاق شعله فشان اولماغیما

واحدم ، درد و غم غربته تابیم یوخدیر
وار امیدیم، یئنه ئولکمده عیان اولماغیما

منی ای تازه گول هجرینده گریان ائيله دین گئتدین
مثال بلبل شوریده نالان ائيله دین گئتدین

منی مجنون کیمی زنجیر زولفه باغلادون محکم
خیالیم جمع کن آخر پریشان ائيله دین گئتدین

قیلیب عشق اهلینی غم بسترینده روز و شب خسته
رقیب سنگدل ، دردینه درمان ائيله دین گئتدین

منی آغلاتدین هجرینده بلای عشقده ظالم
ولی بیگانه لر کؤنلونی خندان ائيله دین گئتدین

گلیب نه واحدی غمدن خلاص ائتدین نه اولدوردون
و نه مشکل اولان دردیمی آسان ائيله دین گئتدین

سنسيز اى شوخ منيم خوش گذرانيم يوځدور
 سنكى يوځسان ائله بيل جسمده جانيم يوځدور

عشق پروانه سى يم غم اوځينا تاييم وار
 خسته بولبول كيمي هر لحظه فغانيم يوځدور

بو يامان گونده منيم بير جه اميديم سن سن
 سنسيز هئچ بير كسه عالمده گومانيم يوځدور

زولفونه باغلى اولاندان پرى - مجنون كيمي يم
 ائيله سر گشته يم هئچ يئرده مكانيم يوځدور

صبر آراميمى الدن، غم هجرانينى آليب
 بيرده غم چكمگه جسميمده توانيم يوځدور

حاضر م جانيمي عشقينده فدا ائيلمه گه
 قسم اول جانينا بير ذره يالانيم يوځدور

واحد م آتش حسرت بورويوب دور و بريم
 يانيرام حاليما بير قلبى يانانيم يوځدور !

دیل بیلن سۆز آنلایان بیر نازلی یار ایستر کۆنول
لاله دن، گول دن گۆزل بیر نو بهار ایستر کۆنول

اعتبارین گۆرمه بینجه سئومه رم بیر دلبری
نازنین مه پاره لردن اعتبار ایستر کۆنول

هر قارا زولغین اسیری اولمارام بوندان صورا
ایندی عالم اؤزگه دیر، خوش روزگار ایستر کۆنول

اوینایوب، گولمک، دانیشماق، عیش و نوش ایامیدیر
بولبول شیدا کیمی مین لاله زار ایستر کۆنول

هر طرف گولدیر، چیچکدیر بو آزاد اولکه میز
دائم اؤز خوشبخت خلقین بختیار ایستر کۆنول

بختور، واحد، اول کسلردیر بو خوش عالمده دیر
هر زمان بوشن حیاتی پایدار ایستر کۆنول

وورما اول قاره تئلرینه شانہ سئوگیلیم

ائتمه منی بلاکش دیوانہ سئوگیلیم

یاندیردی حسرتین منی گؤستر جمالینی

کؤنلوم اولوب اول آتشی پروانہ سئوگیلیم

بیر دفعه ائیلہ دیمسه تمنای وصلینی

یوز دفعه یاندیم آتش هجرانہ سئوگیلیم

گزمه رقیبلہ منی غیرت هلاک ائدیر

سالما بلالی عاشقینی قانہ سئوگیلیم

گؤسترمه قاره خالینی، کؤنلوم فغان ائدیر

قوش، ده ن گؤرنده تنز گلیر افغانہ سئوگیلیم

یوز لیلی گؤرسه حسنونى مجنون اولار سنین

عشقینده اوز قویاردی بیابانہ سئوگیلیم

انصافی اولسا چرخ ، بو بیچاره واحدی

حسرت قویارمی سن کیمی جانانہ سئوگیلیم ؟

چوروتدوک عۆمروموزى بى وفا لر عشقینده
بو نازلى غمزه ساتان ، مه لقا لر عشقینده

صداقتيله وفا عالمینده جان قويدوق
وفادن ال گۆتورن آشنا لر عشقینده

خیال وصليله زنجیر ظلمه باغلانديق
رقيبه ناز ائلييه ن دل گشا لر عشقینده

بوکولدى بئل، باش آغاردی، قوجالتدی غصه بیزی
بو سرو بویلى ، بو زولفی قرا لر عشقینده

بیزیم نوايه گلن نی دن عشقیمیز چوخدير
بیز ایندی ده گزيریک بى نوا لر عشقینده

بلای عشقله هر جوره دؤزمیشیک واحد
بو داش اوره ک لی اولان دل ربا لر عشقینده

سن اولماسان گۈزە ليم گولستانە باخماز ايديم

چمن چيچكلرينە عاشقانه باخماز ايديم

اسير زولفون اگر اولماسايديم عالمده

جمالينا بو قدر عاجزانه باخماز ايديم

منيملە اولسا ايدين بير دقيقە عۇمر ومده

جهان بوتون گۈزل اولسا، جهانە باخماز ايديم

منى فراقين اودى ياخماسايدى شمع كيمي

گۈرندە گول اوزونى، يانە – يانە باخماز ايديم

فراقينا دۈزە بيلسە يدى قان اولان كۈنلوم

يولوندا چكديگيم آه و فغانە باخماز ايديم

اول گول جمالينا من عاشق اولماسايديم اگر

فغان بولبولە چوخ محرمانە باخماز ايديم

نزاكت اولماسا واحد طبيعتيمده منيم

اول قارە گۈزلره من شاعرانه باخماز ايديم

تمنا ائت گولوم وئررم یولوندا نقد جانیم وار
اگر بولبول ده گیلسه م اوندان آرتیق مین فغانیم وار

قارا گوز لر سنی آلداتماسین، بیمارم عشقینده
علاجیم سنده دیر، ای گول، سنه آنجاق گومانیم وار

قبول ائتسه ن یولوندا جانیمی یوز یول فدا قیللام
اسیر عشقینم، سنسیر بو عالمده خزانیم وار

امانت ساخلا قلبینده همیشه عشقیمین سرین
حقیقی عاشقم هجرینده چشم خونفشانیم وار

آلوب تنز جانیمی بیر دفعه لیک قورتار اذیتدن
باخیلسا کونلومه عشقینده مین درد نهانیم وار

سنی هر شئی دن آرتیق سئومیشم عالمده، ای ظالم
قضا ایسترسه گلسین، راه عشقینده توانیم وار

منی هر بی وفا یه، واحدم، دوتما برابر کیم
منیم ده عشق ملکینده عزیزیم آد و سانیم وار

بیز خرابات اهلی بیک میخانه لردن چیخمیشیق
 باده لر نوش ائتمیشیک پیمانه لردن چیخمیشیق

آتش غمدن نه قورخاق، کیم سمندر خصلتیک
 شمعلر یاندیرمیشیق، پروانه لردن چیخمیشیق

پیریمیز پیر مغاندیر، خادم میخانه بیک
 رندلر ذوقین گوروب دیوانه لردن چیخمیشیق

اینی بیز اکراه اولوب می دن، نظردن دوشموشوک
 یوخسا مین – مین مجلس مستانه لردن چیخمیشیق

گاه ئوپوب یارین آیاغین، گاه دولاننیق باشینا
 بیز پریشان زولفلر تک شانه لردن چیخمیشیق

بیر شعاعین ذره سیندندیر فقط رنگ اوزگه دیر
 دیر لردن، مسجد و کاشانه لردن چیخمیشیق

قدر و قیمت سیز بیزی ظن ائتمه واحد عارف اول
 پر بها گنجینه بیک ، ویرانه لردن چیخمیشیق

اۇل قارا زولف كە ھردم دۇلاشیر شانه لره
گۇستیر عشق كمندين دل دیوانه لره

مهر رخسارینی مندن كسوب اۇل ماه تمام
دوشدی فرصت یئنه بوندان بئله بیگانه لره

یۇخسا ای گول بو قدر باده ناب ایچمه ز ایدیم
شوق لعلین منی جذب ائيله دی میخانه لره

قانا دۇنسون گۇروم اۇل باده گولگون سنسیر
بیرده گر رغبت ائدیم ساغر و پیمانه لره

حسرت چشم خمارین ، لب لعلین هوسی
گۇستیر گوشه میخانه نی مستانه لره

شوق رخسارین ايله اۇدلارا یانمیش کۇنلوم
اۇرگه دیب شمعه یانماقلیغی پروانه لره

جورین آز ائت منه، قۇرخوم بودو، بیر آه چکیم
بیر یانار اۇد دوشه باشدان – باشا کاشانه لره

واحدم ، شاعر آزاده پرستم ، نه غمیم
قیلماسام رغبت اگر مسجده بتخانه لره

مجنونه دئین یوخدو : ای عاشق بیچاره
لیلله نه کارین وار، قوئسون سنی آواره

عشق عالمی عشاقه بیر وادی محتدیر
فرهای سالوب داغه، منصوری چکیب داره

پایان غم عشقی تفسیره نه حاجت وار
گور بیر نجه پروانه شوق ایله یانیر ناره

دونیا اول قدر لیلی مجنون یئتیروبدور کی
سایسان نه قدر گوئیده ثابت و سیاره

هر لاله رخ عشقینده اوژ باغیرینی قان ائتمه
هر دردی چکیب بولبول گول قسمت اولور خاره

بی مهر گوزه للردن عالمده وفا اومما
میلین سالاجاق بونلار آخر یئنه اغیاره

واحر ییز اولوب گئتدیک مهر ایله، محبتله
دونیا دونه جک بیر گون بیر صحنه گولزاره

پابسته اوڭماسايديم اوڭ گيسوى پر خمه
ديوانه ليكده شهرتيم ارمه زدى عالمه

هردم دوشنده رويينه اوڭ زلف پر خمين
بنزر خزينه اوسته دوران مار ارقمه

لعلين ديريلدير اوڭدورور عشاقى اى صنم
يوخ احتياجيميز داها عيسى و مريمه

بيردانه الچين ائتمه ز ايدى ترك جنتى
خالين خيالى باعث اوڭوب دئرلر آدمه

زاهد بيلرمى؟ سرينى غنچه دهانينين
واقف اوڭلارمى؟ نا بلد اسرار مجمعه

ذوق حياتيميز ره ميخانه لرده دير
وئرديك بهشتى بيز سنه زاهد، جهنمه

واحد زمانه ايچره تاپيلماز بير اهل دل
سانما وفالى باغلاما بئل يار و همدمه

گۆزە لیم سن گۆرن اول عاشق نالان دە گیلیم
اول خمار گۆزلره بوندان صورا حیران دە گیلیم

ایندی گئت حسرتینی باشقا بیر عاشق چکسین
بیرده سئوسه م سنی، سۆز وئرمیشم، انسان دە گیلیم

گه ز دولان سئیر ائله اؤز سئودیگین عاشقلریله
اوره گیندن نه گئچر ائيله پشیمان دە گیلیم

سنده بیر آزا گۆزه ل لیک، ایکی قاش گۆز واردیر
بی وفا سن، دئمیشم عالمه، قورخان دە گیلیم

گۆزله مه کدن یولونی یاخشی قوتاردیم اؤزومی
ایندی هئچ بیر گۆزل عشقینده نیگاران دە گیلیم

کۆنلومی گوجلە خلاص ائيله میشم زولفوندن
داها خاطر جه مه م عشقونده پریشان دە گیلیم

واحدم ایندی صداقت لی گۆزه ل لر سئویرم
هر وفاسیز گۆزلین حسنونه قربان دە گیلیم

ای بیخان کۆنلوم ائوین قیل حذر افغانیمدان
 ائوین آباد اوْلا ال چک دل ویرانیمدان

منی مجنونیه فرهاده برابر دوتما
 من اوْلازدان دا هنرله گئچه ره م جانیمدان

بیرجه گل گۆر نه جفالر چکیرم زولفوندان
 خبرین یوخدو سنین حال پریشانیمدان

طعن ائدیر ائل منه یارین نه وفاسیز چیخدی؟
 ای وفاسیز دئمیرم من بونی اوْز یانیمدان

سانکه باشندان باشا بیر شعله آهیم گئجه لر
 شمعلر اوْدلانییر آه و دل سوزانیمدان

نیلیرم من گولی یا لاله نی انصافیم وار
 اوْتلارین هانسی گوزلدیر رخ جانانیمدان

واحدم عصریمیزین ایندی کی فرهادی منم
 کیم منی آیری سالار خسرو خوبانیمدان؟

گرچه محبت عالمین چوخ صفاسی وار
هر قاره زولفه میل ائده نین مین بلاسی وار

عاشق شکایت ائيله مز هر جوړه صبر ائدر
پروانه سانما آتسه یانسا نواسی وار

هر آشیانه سؤیلمه ک اولماز وفاسی یوخ
چک امتحانه بلکه بیر اهل وفاسی وار

قویما قدم دیار محبت بلالی دیر
نه ابتداسی وار نه ده کی انتہاسی وار

صبريله گون گئچیدیر اهل عشق اولان
هر درد اولورسا آخری بیر گون دواسی وار

بیر داش اوره کلی دلبره چوخدان وورولموشام
نه رحمی وار نه دوستلوقی وار نه اداسی وار

شاعرلر ایچره سانما هنرسیزدی واحدی
واحد نه اولسادا یئنه بیر ادعاسی وار

گئت گولوم گئت منە سن جان اولاسان ایستە میرم
 عشوہ لی، سئوگیلی جانان اولاسان ایستە میرم

بیردە گۆزیاشی تۆکوب کویینە گلەم گۆزلیم
 گۆروب احوالیمی خندان اولاسان ایستە میرم

بی وفالیقدا بوتون عالمە مشهور اولدون
 سن اگر حوری غلمان اولاسان ایستە میرم

وورموسان سینە مە مین یارە کفایتدی منە
 بو سینیق کۆنلومە درمان اولاسان ایستە میرم

بی وفاسن، دە گیلەم راضی اولندن صونرا
 قیریم اوستیندە نگهبان اولاسان ایستە میرم

پیس گۆنومدە منی سالدون نظریندن گئتدین
 یاخشی گۆندە منە مہمان اولاسان ایستە میرم

واحدین قیمتینى بیلە دین اینجیتدین اوئی
 ھلە گى اولدو ، پشیمان اولاسان ایستە میرم

حیف بیر بیلمه دین ای گول دل زاریمدا نه وار
عشقیمین سری نه دیر ائیلیه بیلمه م اظهار

قانه دونمیش اوره گیم، آختاریر هر یئرده سنی
امتحان ائتمک ایچون سینه می آچ، قلبیمی یار

قورخورام شانه ده یه کؤنلومه، زولفونده گزیر
عشق سرگشته سینه قویما توخونسون اغیار

ترله میش گول کیمی گؤردوم سنی بیگانه ایله
خسته دیر کؤنلوم اوّل گوندن گؤزه لیم لیل و نههار

عاشقین گؤرمه سه رخسارینی باخماز چمنه
نقدر لاله و گول آچسا مین ایل، اولسا باهار

ایلدیریم سرعتی وار تیر نگاهیندا مگر ؟
مایل عشقین اولان حسنینه باخدیقجا یانار

واحدم نازیله گل بیر بئله اینجیتمه منی
نؤلا بیر دفعه لیک آل جانیمی غمدن قورتار

چۇخ گۆزە للر گۆردوم آختاردیم بوتون دونیانی من
تاپمادیم عالمده اۆز کۆنلوم سئون جانانی من

بی نوا پروانه لر تک یئتمه دیم مقصودیم
عشق سۇداسیله یاندریدیم بو شیرین جانی من

نازنین، آهو باخیشلی چۇخ پری لر گۆرموشم
سئومه دیم اۆز سئوگیلیمدن باشقا بیر جیرانی من

بولبول نالانی یم من بیر گول اوزلی دلبرین
نیلره م هر لاله اوزلی غنچه خندانی من

هر گولون بیر عطری وار هر غنچه نین بیر نشئه سی
اوموشام چوخ نازنین لر باغی نین باغبانی من

وار امیدیم وصل جانانه یئتیشسین تنز الیم
آهیله سۇندوررم آخر آتش هجرانی من

واحدم بیمار عشقم غیردن یۇخ منتیم
دردیمه جانان الیله ائیه رم درمانی من

سئومه سیدیم اگر اول زولف خم اندر خمی من
بیردم عؤمریمده چکردیم می بو درد غمی من

باشقا بیر دلبره اولسایدی محبت منده
بو قدر آه ایله یاندرماز ایدیم عالمی من

سنین حسونندو منیم عشقیمی افزون ائلیه ن
بئله رسوالیقه باعث همی سن سن همی من

من سن اولسایدیم اگر غیره کؤنول وئرمه ز ایدیم
قویماز ایدیم یئتیشه وصلیمه نامحرمی من

ایندی دونیا گؤزه لیم گیئت گئده بورا جنت دیر
سن سن حواسی بوگون عصریمیزین آدمی من

اهل فقرم منه اوژ جام شرابیم بسدیر
نیلیره م کاسه فغفوريله جام جمی من

واحد اولسم اول کؤنول چاه زرخدانیندان
ایسته رم کعبه علیاده اولان زمزمی من